

大般若波羅蜜多經

籍

第五百七十六

五十八
拾六

47363



Large stylized Chinese characters, possibly a watermark or seal, rendered in a bold, blocky font. The characters appear to be '寶' (Treasure) and '印' (Seal).

皇
圖
印
帝
寶
印

元
曆
九
年
丙
子
二
月
重
修

Small vertical seal impression with characters in seal script, likely reading '寶印' (Treasure Seal).

大般若經第八會那伽室利分序

珍

載惟清規外滌乃照晉於襟靈神理內康俄
發揮於事業若不訊諸動寂將或謬以隨迎
是故妙祥資舍衛之稟龍祥扣分衛之節挫
舉下而迺足措屈伸而矯手慮不慮以思惟
行無行以發趣食夫幻食反類懸匏資以無
資翻同洌井俄而縱觀空術澄襟海定孕生
靈爲水性罄功德爲珍府晏六動而不搖走
三乘以終駐無宰不宰黜心王而利見無親
不親恢善友而遙集是令近事取鉢駭脩臂
之不存應供投襟兀撫心其已滅譬蜃樓切
景知積氣以忘躋鸞鏡舍姿悟唯空而輟攬

故能自近而鑒遠由真以立俗識危生之露
集知幻質之泡浮電倏青紫之輝雲空軒蓋
之影文約理贍昔祕今傳雖一軸且單譯而
三復固多重味矣

大般若波羅蜜多經卷第五百七十六

三藏法師 玄奘奉 詔譯

第八那伽室利分

如是我聞一時薄伽梵在室羅筏住誓多林
給孤獨園爲諸大衆宣揚正法尔時妙吉祥
菩薩摩訶薩於日初分著衣持鉢漸次將入
室羅筏城時有菩薩名龍吉祥見已問言尊
者何所往妙吉祥曰我欲入此室羅筏城巡

行乞食爲欲利樂多衆生故哀愍世間大衆
生故利益安樂諸天人故龍吉祥言唯然尊
者今於食想猶未破耶妙吉祥曰吾於食想
都不見有知何所破所以者何以一切法本
性空寂猶若虛空無壞無斷我何能破諸天
魔梵世間沙門婆羅門等亦不能破所以者

何諸法自性等虛空界畢竟皆空不可動搖
無能破者又一切法如太虛空無有天魔梵
沙門等諸有情類可能攝受所以者何以一切
法性遠離故非所攝受龍吉祥言若如所說
云何菩薩與魔戰諍妙吉祥曰菩薩未嘗與
擊大鼓魔軍戰諍菩薩亦不見法有少

真實可依入定所以者何菩薩見彼雖擊鼓
等而無怖畏譬如幻師幻作怨敵雖現擾惱
而不生怖如是菩薩知法性空皆如幻等都
無怖畏若時菩薩有怖畏者非天人等所應
供養然諸菩薩解空無怖堪為一切真淨福
田龍吉祥言頗有能證菩提者不妙吉祥曰
珍
五十七六
亦有能證龍吉祥言誰為證者妙吉祥曰若
無名姓施設語言彼為能證龍吉祥言彼既
如是云何能證妙吉祥曰彼心無生不念菩
提及菩提座亦不愍念一切有情以無表心
無見心等能證無上正等菩提龍吉祥言若
尔尊者以何心等當得菩提妙吉祥曰我無

所趣亦非能趣都無所學非我當來詣菩提
樹坐金剛座證大菩提轉妙法輪拔濟生死
所以者何諸法無動不可破壞不可攝受畢
竟空寂我以如是非趣心等當得菩提龍吉
祥言尊者所說皆依勝義令諸有情信解是
法解脫煩惱若諸有情煩惱解脫便能畢竟
破魔羅網妙吉祥曰魔之羅網不可破壞所
以者何魔者不異菩提增語何以故魔及魔
軍性俱非有都不可得是故我說魔者不異
菩提增語龍吉祥言菩提何謂妙吉祥曰言
菩提者遍諸時處一切法中譬如虛空都無
障礙於時處法無所不在菩提亦尔無障礙

故遍在一切時處法中如是菩提最為無上
仁今欲證何等菩提龍吉祥言欲證無上妙
吉祥曰汝今應止無上菩提非可證法汝欲
證者便行戲論何以故無上菩提離相寂滅
仁今欲取成戲論故譬如有人作如是說我
令幻士坐菩提座證幻無上正等菩提如是
珍
五十七六
所言極成戲論以諸幻士尚不可得豈令能
證幻大菩提幻於幻法非合非散無取無捨
自性俱空諸佛世尊說一切法不可分別皆
如幻事汝今欲證無上菩提豈不便成分別
幻法然一切法皆不可取亦不可捨無成無
壞非法於法能有造作及有滅壞無法於法

能有和合及有別離所以者何以一切法非
合非散自性皆空離我我所等虛空界無說
無示無讚無毀無高無下無損無益不可想
像不可戲論本性虛寂皆畢竟空如幻如夢
無對無比寧可於彼起分別心龍吉祥言善
哉尊者我今由此定得菩提何以故由尊爲
我說深法故妙吉祥曰吾於今者曾未爲汝
有所宣說若顯若密若深若淺云何令汝能
得菩提所以者何諸法自性皆不可說汝謂
我說甚深法者爲行戲論然我實非能說法
者諸法自性亦不可說如有人言我能辯說
幻士識相謂諸幻士識有如是如是差別彼

由此說害自實言所以者何表幻士者尚非
所識況有識相汝今謂我說甚深法令汝證
得無上菩提亦復如是以一切法皆如幻事
畢竟性空尚不可知況有宣說尔時無能勝
菩薩摩訶薩來至其所聞已讚言善哉善哉
正士大士能共辯說甚深法門時妙吉祥詰
無能勝言正士大士爲說何法夫爲菩薩不
作是念我是菩薩正士大士能爲有情說甚
深法作是念者便行戲論又無能勝頗有谷
響自性實有能發語言生聞者識詮諸法不
時無能勝答曰不也妙吉祥言如是諸法一
切非實皆如谷響無名無相無所取著於斯

有執便行戲論若行戲論流轉生死彼於如
響一切法中不如實知起諸乖諍乖諍起故
心則動搖心動搖時多諸迷謬迷謬增故諸
趣輪迴是故世尊親於晝夜教誡教授諸苾
芻言汝等苾芻勿行戲論於我所說寂滅法
中常應思惟審諦觀察精勤修習無得法忍
珍五十七十六
如是能寂大聖法王說諸法空本性寂靜無
染無得無所依住能如實知解脫生死定當
證得菩提涅槃時龍吉祥聞是語已因即復
問妙吉祥言尊者從何生死解脫妙吉祥曰
仁謂如來從何生死而得解脫十力世尊常
說過去未來現在為生死法龍吉祥言世尊

豈不說一切法皆如幻化既令有情應本已
證無上菩提寧有生死所以者何尊者亦說
諸法非實皆如幻化妙吉祥曰我從昔來於
法性相曾未宣說亦不分別取著造作所以
者何諸法性相不可表示不可分別不可取
著不可造作一切有情設能如實了達諸法
皆如幻化應本已證無上菩提然由有情於
一切法不能通達皆如幻化故於諸趣生死
輪迴如工幻師隨依何物幻作種種所幻化
事所謂世間天魔梵釋沙門梵志諸龍藥叉
阿素洛等人非人衆諸愚癡類迷執實有智
者幻師知無實性但有種種虛妄相現如是

諸法雖如幻化而有情類愚癡不了非有謬
有無常計常於諸法中種種分別或分別色
或分別心有爲無爲有漏無漏如是等類種
種分別由此分別於諸法中不如實知皆如
幻化由不知故生死輪迴設諸有情於一切
法如實了知皆如幻化則於佛法不復增長
珍
五十七方
所以者何諸有情類本來皆有諸佛妙法一
切已有無退佛智故諸有情咸可安立於佛
妙法覺慧無動知法性空無名無相無依無
住無取無執無礙無著猶如虛空無阿賴耶
無尼延底無上寂靜最極寂靜無生無滅無
染無淨無成無壞非有非無由此於中成甚

深忍常不遠離諸佛妙法所以者何諸佛妙法離性離相不可施設不可宣說不可表示遍有情類猶若虛空時龍吉祥聞甚深法歡喜踊躍讚妙吉祥善哉善哉尊者所說甚深微妙不可思議說諸有情常不遠離諸佛妙法誰能信解妙吉祥曰諸佛真子皆能信解謂隨信行若隨法行若第八若頽流若一來若不還若阿羅漢若諸獨覺若諸菩薩已得不退於諸白法無動無轉已善安住畢竟空法無所得法能深信解所以者何是諸菩薩妙菩提座已現在前能對世間天魔梵釋沙門梵志阿素洛等人非人前大師子吼我於

此座結跏趺坐乃至未得無上菩提終不中間暫解斯坐何以故是諸菩薩已善安住畢竟空法無所得法不可動故譬如帝杙極善安固諸牛王等不能動搖如是菩薩已善安住畢竟空法無所得法一切有情不能傾動令離覺所覺及菩提座處龍吉祥言覺所覺

處菩提座處何所謂耶時妙吉祥還詰彼曰云何名爲如來變化云何如來變化之處云何如來變化所依云何如來變化證法由此說爲如來變化說法示導龍吉祥言我尚不見有實如來況當見有如來變化及變化處變化所依變化證法由此可說如來變化說

法示導妙吉祥曰善哉善哉所說所知甚爲
如理汝已起證於一切法無所得忍能作是
說覺所覺等應知亦然龍吉祥言非一切法
無所得忍有起有壞所以者何以一切法空
無自性自相亦空如是諸法無相無對無色
無見與虛空等云何得起於一切法無所得
忍珍若一切法無所得忍有可起五七十六義則若響忍六
若光影忍若聚沫忍若浮泡忍若陽焰忍若
芭蕉忍若幻事忍若夢境忍若變化忍若鏡
像忍若尋香城忍若虛空界忍應有起義所
以者何虛空等忍有起義者必無是處若菩
薩摩訶薩聞如是法不驚不怖無惑無疑心

不沉沒即是菩薩無上法忍妙吉祥言諸菩
薩衆無得法忍豈無差別龍吉祥曰若菩薩
衆於少分法有執著者是則名爲行有所得
若諸菩薩作是念言我於甚深悉能解了是
則名爲行有所得若諸菩薩作是念言我是
成就甚深忍者是則名爲行有所得若諸菩
薩作是念言我於甚深悉能信受是則名爲
行有所得若諸菩薩作是念言我於諸義悉
能解了是則名爲行有所得若諸菩薩作是
念言我於諸法悉能覺了則是名爲行有所
得若諸菩薩作是念言我能解了諸法本性
是則名爲行有所得若諸菩薩作是念言我

能修行諸菩薩道是則名為行有所得若諸
菩薩作是念言我能嚴淨種種佛土是則名
為行有所得若諸菩薩作是念言我能成熟
諸有情類是則名為行有所得若諸菩薩作
是念言我於菩提決定當證是則名為行有
所得若諸菩薩作是念言我定能轉無上法
珍 輪是則名為行有所得若諸菩薩作是念言
五十七 我能濟拔諸有情類是則名為行有所得若
諸菩薩作是念言我有所行我有所證是則
名為行有所得若諸菩薩作是念言我能修
行布施淨戒安忍精進靜慮般若波羅蜜多
是則名為行有所得若諸菩薩作是念言我

能修行四念住等三十七種菩提分法是則
名爲行有所得若諸菩薩作是念言我能修
行靜慮無量等持等至陀羅尼門是則名爲
行有所得若諸菩薩作是念言我能趣證如
來十力四無所畏四無礙解大慈大悲大喜
大捨并十八佛不共法等無量無邊諸佛妙
法是則名爲行有所得菩薩不行有所得故
無得法忍非有差別妙吉祥言若尔菩薩云
何修學趣菩提行龍吉祥曰若菩薩衆於諸
法中無所取著是爲修學趣菩提行若菩薩
衆於諸法中無所恃怙是爲修學趣菩提行
若菩薩衆現觀諸法依託衆緣空無自性離

我我所是爲修學趣菩提行若菩薩衆雖有所行而無行想是爲修學趣菩提行妙吉祥言如是如是誠如所說如人夢中雖謂遊止種種方所而無去來行住坐卧亦無真實遊止處所菩薩亦尔雖住寤時有所修行而無行想觀所行行本性皆空於諸法中無所取

著達一切法無狀無相無阿賴耶無尼延底與虛空等本性空寂若諸菩薩能如是行無所執取離諸戲論是天人等真淨福田堪受世間恭敬供養尔時龍吉祥菩薩摩訶薩聞是語已歡喜踊躍而作是言唯然尊者我今欲往室羅筏城爲有情故巡行乞食妙吉祥

曰隨汝意往然於行持勿得舉足勿得下足
勿屈勿伸勿起於心勿興戲論勿生路想勿
生城邑聚落之想勿生小大男女之想勿生
街巷園林舍宅戶牖等想所以者何菩提遠
離諸所有想無高無下無卷無舒心絕動搖
言亡戲論無有數量是為菩薩所趣菩提仁
珍今若能如是行者隨意所往而行乞食時龍
五十七吉祥既承教授教誡威力入海喻定譬如大
海其水廣深盈滿湛然豐諸珍寶舍育種種
水族生命如是此定威力廣深神用難思三
業安靜具功德寶攝養含識時有菩薩名曰
善思為欲令彼速出定故設太加行觸動其

身雖令三千大千世界諸山大地六反變動
而龍吉祥身心宴寂安固不動如妙高山所
以者何彼由此定令身語意安住無動後從
定起兩諸香花向誓多林曲躬合掌至誠恭
敬而作是言歸命如來應正等覺所證所說
無不甚深自性皆空無染無得能令聞者獲
斯勝定善思菩薩便問彼言仁在定中覺地
動不龍吉祥曰善思當知若諸身心有動轉
者見大地等亦有傾搖諸佛世尊不退菩薩
及大獨覺大阿羅漢身心安靜遠離動搖於
諸法中不見不覺有動有轉有傾有搖所以
者何以常安住無動無轉無傾搖法謂空無

相無願寂靜證相本空性遠離法由住此法
身心無動時妙吉祥見聞此已歡喜讚歎龍
吉祥言善哉善哉能成是事今者隨意入城
乞食龍吉祥曰我今已證海喻勝定無上法
食於諸段食不復希求我今唯求布施淨戒
安忍精進靜慮般若方便善巧妙願力智波
珍羅蜜多及餘無邊菩薩勝行疾證無上正等
五十七菩提轉妙法輪拔有情類生死大苦令住究
竟清涼涅槃我今欣求棄捨諸行不欲資養
雜穢身心今我由尊真淨善友哀愍我力證
獲勝定我今頂禮殊妙吉祥無邊吉祥勇猛
吉祥廣大吉祥妙法吉祥勝慧吉祥難思吉

祥大仙善友真淨善友妙吉祥言善哉仁者
能得如是海喻勝定了達諸法如響如像如
夢如幻如陽焰如光影如變化事如尋香城
汝今應求如來十力四無所畏四無礙解大
慈大悲大喜大捨并十八佛不共法等無量
無邊無上法食用自資益解脫法身一切如
來應正等覺皆由此食能經無量無數無邊
不可思議殑伽沙等大劫而住所以者何如
是法食無漏無繫能求解脫執著世間不出
離法亦能永滅一切憍慢無阿賴耶無尼延
底無諸戲論本性空寂一切菩薩摩訶薩衆
皆希此食汝亦當求勿求世間下劣法食龍

吉祥曰我今聽尊所讚如斯無上法食已爲
充足況得食耶我若當來得斯法食即以無
食而爲方便自充足已復持充足一切有情
妙吉祥言汝能充足虛空界不荅曰不能妙
吉祥言汝能充足響像夢幻陽焰光影諸變
化事尋香城不荅曰不能妙吉祥言汝頗能
以衆流充足諸大海不荅曰不能妙吉祥言
諸法亦尔云何汝欲充足一切汝欲一切皆
充足者則欲充足太虛空界亦欲充足響像
夢等亦欲充足一切大海亦欲充足一切法
空無相無願無造無作無生無滅亦欲充足
遠離寂靜離染涅槃畢竟解脫亦欲充足無

色無見無對一相與虛空等不可執取真如
法界龍吉祥言如尊所說食及食者無不皆
空則諸有情應不資食妙吉祥曰如是如是
一切有情皆不資食設佛化為旃伽沙等諸
有情類無不須食汝令誰造尔所食耶龍吉
祥言化無所食何假為造妙吉祥曰法及有
情皆如幻化是故一切無資食者若諸有情
不能如實了達諸法皆如幻化則於諸趣生
死輪迴虛妄執為有所資持然彼資持都不
可得如實觀察法及有情自性俱空無少真
實則於諸食無所資持龍吉祥言我今欲住
斷除飢渴妙吉祥曰飢渴尚無何有能斷譬

珍

五十七

十

才

如幻士作如是言我今欲求陽焰中水斷除
飢渴汝今亦然所以者何以一切法皆如陽
焰一切有情皆如幻士云何欲住斷除飢渴
虛妄分別所作法中能斷所斷俱不可得既
無飢渴除斷者誰諸法本來自性充足都無
飢渴何所除斷愚夫於此不如實知謂我飢
渴欲求除斷諸有智者能如實知飢渴本無
不求除斷既能了達諸法性空不復輪迴生
死諸趣遠離戲論無所分別於一切法住無
所住無依無染無入無出畢竟解脫分別求
無龍吉祥言如如尊者說諸法要如是如是
法界出現妙吉祥曰非真法界有出有沒

屈有伸所以者何真法界者離相寂然無出
無沒不可分別不可戲論無依無住無取無
捨無動無轉無染無淨如虛空界無動無轉
無取無捨無依無住不可戲論不可分別無
出無沒諸法亦尔自相本空性亦非有相不
可得若諸法相有可得者已般涅槃佛應可
得故一切法無阿賴耶無尼延底無色無見
無對無相本來寂滅是故諸佛如菟伽沙雖
已般涅槃而無一法滅謂無色蘊滅及受想
行識蘊滅亦無眼處滅及耳鼻舌身意處滅
亦無色處滅及聲香味觸法處滅亦無眼界
滅及耳鼻舌身意界滅亦無色界滅及聲香

味觸法界滅亦無眼識界滅及耳鼻舌身意
識界滅亦無眼觸滅及耳鼻舌身意觸滅亦
無眼觸爲緣所生諸受滅及耳鼻舌身意觸
爲緣所生諸受滅亦無地界滅及水火風空
識界滅如是諸佛雖般涅槃而無一法般涅
槃者諸有欲令般涅槃位有法滅者即爲欲
令太虛空界彼位亦滅所以者何一切法性
本來寂滅自性寂靜最極寂靜不可更滅諸
愚夫類不如實知般涅槃時方起滅想謂我
我所今時乃滅彼由執著我及有情廣說乃
至知者見者及由執有無自性法般涅槃時
一切未滅我說彼類皆不能解脫生老病死

愁歎苦憂惱所以者何彼愚癡類於法本性
不知不覺由不知覺法本性故與佛世尊及
大弟子不退菩薩於甚深法有深信解恒樂
受行無所得行於過去佛多種善根有大神
通具大勢力真淨商主無上天仙常有違諍
以違諍故被諸愚夫長夜沉淪不淨臭穢
切賢聖咸遠避之智者共訶鄙惡生死如迦
城邑村落糞壤如如晝夜人畜往來如是如
是增長不淨可惡臭穢便利等物如是愚夫
於法本性不能覺了增長極惡生臭爛臭不
淨生死聖賢訶毀智者遠離我說彼類不能
解脫生老病等種種過患時龍吉祥問言尊

者去何於法能如實知妙吉祥曰諸有能以
無分別心隨順遠離趣向遠離臨至遠離如
是於法能如實知龍吉祥言誰於幻事而能
遠離妙吉祥曰即此能於幻事遠離爾時善
現來到其所言二大士何所談論時妙吉祥
詰言大德今說何法名爲大士我等不見有
少實法可名大士而共談論大聖法王亦未
曾說有少實法名大士者諸法如響皆非真
實其響豈能有所談論具壽善現聞是語已
入無所得三摩地門經須臾間還從定起令
掌恭敬向誓多林作如是言我今歸佛所證
所說無不甚深微妙寂靜難見難覺非所尋

珍

若五三七十六

十二

()
思超尋思境求害執取斷諸纏縛如是妙法
不可思議令諸有情聞獲利樂若諸菩薩已
得不退曼殊室利而爲上首乃至或有最初
發心趣大菩提諸菩薩衆皆共於此甚深法
中展轉相親作斯談論妙吉祥曰大德當知
此中無親無不親者亦無迷謬不迷謬者又
無展轉共談論事所以者何無有少法能與
少法爲親怨等何以故以一切法無所有故
具壽善現復言向者見二大士共論深法云
何而言無談論事妙吉祥曰大德頗聞幻士
夢境響像陽焰光影變化及尋香城展轉共
論深法義不荅言不也妙吉祥言諸法如幻

夢境響等云何可言見共談論豈有幻士聞
化佛說甚深法義信解受持取相思惟名身
等事尔時善現聞是語已於此方所便入滅
定時舍利子來至其處問妙吉祥大士頗知
善現今者入何等定妙吉祥言唯舍利子大
德善現不違少法由此常入不違法定無所

珍 五十七上

十三

住定無所法定無執藏定害執藏定非住此
中有言有說有來有往有住有卧何以故大
德善現信解諸法自性皆空不可得故時舍
利子復問諸法以何為性妙吉祥言諸法皆
以無性為性如是無性亦不可得善現尔時
便從定起妙吉祥曰食時將至宜速入城巡

行乞食善現對曰大士當知我今不復入城
乞食所以者何我已遠離一切城邑村落等
想亦已遠離諸色聲香味觸法想妙吉祥曰
大德善現若已遠離一切想者云何現有遊
履往來善現詰言如來變化云何現有色受
想行識等諸法云何現有遊履往來屈伸顧
視妙吉祥曰善哉善哉大德善現佛之真子
是故如來常說善現得無諍住最爲第一復
言大德且止斯事我欲入城巡行乞食飯食
事訖詣如來所我當奉請今諸大德設希有
食今獲善利舍利子言大士今者欲爲我輩
設何等食妙吉祥曰大德我今所設食者不

可分段不可吞咽非香味觸非三界攝亦非
不繫大德當知如是妙食是如來食非餘食
也舍利子言今我等輩聞大士說希有食名
悉已飽滿況當得食妙吉祥曰我此食者欲
天慧眼皆不能見尔時善現及舍利子聞如
是語俱入滅定時善思菩薩問妙吉祥言云
二上人食何等食入何等定妙吉祥言此
尊者食無漏食入無所依無雜染定諸食此
食住此定者畢竟不復食三界食尔時善現
及舍利子俱從定起與妙吉祥及諸菩薩聲
聞等衆互相慶慰各各入城隨意所往巡行
乞食具壽善現隨入一家空靜之所默然而

住有近事女見已問言大德住斯爲何所欲
善現報曰姊妹當知爲乞食故我來住此近
事女言聖者善現今於食想未遍知耶善現
報言我從本際所有食想皆已遍知所以者
何一切食想前中後際皆自然空近事女言
唯然聖者應自伸手我當奉食具壽善現使
伸其手近事女言聖者善現阿羅漢手今此
是耶善現報言阿羅漢手非所能見亦不可
伸譬如幻士問幻士曰何等名爲幻士之手
吾今欲見請爲伸之姊妹當知彼幻士手頗
有能見及可伸耶近事女言不也大德善現
報曰如是姊妹佛說一切如幻皆空故不可

珍

五十七

中

言阿羅漢手實有可見及有可伸時彼女人
聞如是說尋即不見善現之手遂經淹久不
得施食欲置鉢中鉢復不現彼近事女遶善
現身循環覓手竟不能得瞬息之間身亦不
現即便恭敬讚善現言善哉善哉聖者聖者
乃能如是身亦不住相亦不現實爲希有是
故如來常說善現得無諍住最爲第一時近
事女即於是處求斷我見獲預流果具壽善
現便現其身讚言善哉善哉姊妹遂能如是
成丈夫業尔時女人踊躍歡喜以所持食奉
施善現善現受已出還食之時妙吉祥與諸
菩薩聲聞等衆各飯食已俱詣佛所頂禮雙

足右遶三匝退坐一面以如上事具白世尊
爾時如來聞其所述即便讚曰善哉善哉汝
等乃能成斯勝事當知皆是佛之神力具壽
善現亦以所經化近事女得初果事以白於
佛爾時世尊亦讚歎彼善巧方便時妙吉祥
謂善現曰彼近事女所斷我見即非我見是
珍故如來說名我見如是大德諸有發趣菩薩
若五十七六乘者於一切法應知應見應深信解云何信
解謂如其法不住於想所以者何大德善現
夫法想者即非法想是故如來說名法想大
德當知若菩薩摩訶薩無數世界成滿七寶
持用布施有善男子善女人等於此般若波

羅蜜多乃至受持一四句頌為他開示無開
示想是善男子善女人等所獲福聚甚多於
前爾時世尊而說頌曰

如星翳燈幻 露泡夢電雲 於一切有為

應作如是觀

時薄伽梵說是經已一切菩薩及諸苾芻世

間天人阿素洛等一切眾會聞佛所說皆大

歡喜信受奉行

大般若波羅蜜多經卷第五百七十六 珍

清規下均 滌徒的 訊音信 稟悲品 扣

苦候反 挫測卧 迺委于 措七故 矯居小

也一音口 懸瓢下步交反 洌音列 孕羊證 黜丑律反

恢 大苦也 反 駭循 上胡解旬 兀 反 厓 樓忍 反

淮 海存之吐氣上而成樓月令 躋 也 子步反 登

輟 攬也 上知劣反 止 條 音叔 絹 網 上俱犬反 詰

起 一 反 有 詮 具理也 杙 音翼 樁 也 恃 怙 上

音 市 下 寤 音 戶 牖 下 音 酉 宴 寂 反 於 見 鄙 惡 上

反 美 糞 壤 下 汝 兩 反 吞 咽 見 反 淹 公 上 留 也 反 碑

壽慶禪尼捨金拾五兩修補大殿若經六百卷伏願福資已者

頓到彼岸家立災厄身增福壽不失正念當生安養

元祿九丙子歲二月十七日

法金剛院住持以正照山晃識

恢

大苦也

反

駭

循

反

上

胡

解

旬

反

兀

反

厚

樓

忍

反

淮

海存之

吐氣

上

而

成

樓

月

今

反

躋

也

子

步

反

登

濟

輟

攬

也

上

知

劣

反

止

條

音

叔

羅

網

上

俱

犬

反

起

一

反

有

詮

具

理

也

杙

音

翼

樁

反

特

怙

上

音

市

下

音

寤

誤

音

戶

音

酉

宴

寂

反

於

見

鄙

惡

上

反

美

糞

壤

下

汝

兩

反

吞

咽

見

下

於

反

淹

久

上

壽慶禪尼捨金拾五兩修補大殿若經六百卷伏願福資已者

頓到彼岸家立安危身增福壽不失正念當守安養

元祿九丙子歲二月十七日

法金剛院住持以正照山晃識



